

## سانتا كلوز

يا سانتا كلوز  
ياريت لما قلوبنا تعوز  
يادوب ضحكاية وهدايا تحبها لنا  
يا سانتا كلوز  
بتيجي ناس على بالنا  
بنتمنى نشوفهم حتى في خيالنا  
وعارفة ان انت بس بتيجي للأطفال  
وعارفة إنك لا يمكن جُؤا كرتونة  
تُحطَّ عشاننا راحة بال!  
ما عارفة شوفنا قسوة كثير  
وإن العلبة مش ممكن تشيل الفيل  
وعارفة إننا كبرنا...

ياسانتا كلوز مشاعرنا بتتخبّط  
 بنضحك وقت ما بتبقى قلوبنا بجد بتعيّط  
 وأحلامنا بنركنها ألوف ع الرف  
 وبنعشّم في روحنا إننا هنخف  
 بننزف كل يوم أصحاب  
 بنفقد كل يوم أحباب  
 وبنعامل بشر.. مالظلم نوصفهم نقول: "ياكلاب".  
 عشان برضو الكلاب أوفي  
 بشر أبرد من البرد الي ساكن طوبة بالعافية  
 يا سانتا كلوز..  
 بلاش تيجي عشان هنجييلك الكافية!